



Projet promovût di 'La Vôs dai Furlans' e 'ARLeF'

Lu savevis
che...?

MAMAN

la VÔS dai FURLANS



Daria e Bete
nus insegnin...

Cuant sono stâts inventâts i biscots? E i libris?
Daria e fâs un viaç tal timp cu la sô navicele spaziâl par scuvierzilu!

Cjalìn insiemi la pontade di
Maman! "Cemût fâ cence..." su



Prime che la
laveblancjare
e rivàs tes cjasis,
dai agns '50 incà,
lis nestris nonis a
lavavin dut a man.
Al jere un lavôr
lunc e pesant! In
cjase si preparavin
la lissie, fate cu la
cinise, e il savon.
La blancjare e
veve di stâ in muel
in grandis vascjîs par une gnot. La di dopo si leve
tal flum o tal lavadôr public par resentâle. Dispès, lis
feminis che si cjatavin li, intant che a lavoravin, a
cjantavin insiemi, a tabaiavin e si contavin storiis.



Dilu in plui lenghis!



LA BUFULE



THE BUBBLE



LA BOLLA

Cumò fâs tu!

Cemût si disial par furlan?
Met adun la peraule juste cul lavôr di cjase



CJAMÂ LA
LAVEBLANCJARE



SOPRESSÂ




SCOVÂ



NETÂ IL POLVAR

Pontut par pontut... e piture !



Pagine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



ANCJE
'ON DEMAND'
SU **telefriuli**

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS
Noa



Roc. La energjie di chei
dîs achî ti puarte a fâ
une vore di sport, ma
une fuarce compagne
no tu le âs intai rapuarts
cun chei altris.



Gjambar. Intes
discussions in famee
tu âs di vê un grum
di pazience e no tu âs
di rabiâti. Cussî dut si
sclaris miôr.



Balance. Tu âs di frontâ
un biel dubi: restâ leât ae
vite di ogni di o fâ un biel
viaç? In duç i doi i câs, tu
risolvarâs cuntun truc.



Bec di mont. Sta plui
dongje a gradis e
amîs parcè che a
podaressin dâti il
consei just.



Taur. Tal lavôr tu rivis a
meti in pratiche lis tôs
cognossincis e i coleghis
ti disin graciis.



Leon. Alc di chei che ti
son intor no ti convinç,
tu fasis ben a fâ cualchi
pas indaûr e a no cjapâ
nissun impegn.



Sgarpion. Tu âs tacât l'an
plen di fuarce e voie di
rivâ, lis stelis a son de tõe
bande, ce vuelistu plui
di cussî?



Agarûl. La Lune e
à voie di fâti cualchi
dispiet e cussî, biel
che tu ti gjoldis un
moment di pàs, jê ti
fâs un çopedon.



Zimui. Tu sês plui
viert cu la int e chest
ti permet di cognossi
personis gnovis.
Cualchidune e pues
deventâ tõe amie.



Vergjine. Ti è vignude
tal cjâf une persone
che no tu viodis di un
pieç, tu fasis ben a
clamâle.



Sagjitari. Tu vuelis
gjolditi une vite comude
e plene, e par vêle tu
fasis tancj sfuarçs, atent
però a no lassâ indaûr la
famee.



Pes. Tu âs pôre che i
bêçs no ti bastin, ma
se tu stâs daûr dal to
program no tu âs di
vê pôre di nuie.